

欽定戸部則例

第 兩

74

6643

48





74  
6543  
48

欽定戶部則例卷八十六



蠲卹四

修建衙署事例

修理兵房事例

駐防賞給瑩地

微員賞給路費

邊疆各項賞卹

免追未完銀款

嚴禁私徵蠲緩錢糧

同治三年校刊

戶部則例卷八十六 蠲卹

目錄

<99-1245>



欽定戶部則例卷八十六

蠲卹四

修建衙署事例

一各省駐防官員所住官房如遇倒塌該將軍都統核實查明准照地方官之例借項修理所借銀數協領不得過貳百肆拾兩佐領不得過貳百兩防禦不得過壹百陸拾兩驍騎校不得過壹百貳拾兩筆帖式並恩騎尉不得過捌拾兩所借銀兩分作八年扣還前借

同治十三年校刊

戶部則例卷之六

蠲卹



未完不准再借

江寧京口二處駐防如官房損壞不至過甚祇需零星修

補者准照酌定銀數於四分之中借給一分

限四年扣還 西安駐防如官房損壞祇需

修補者仍於酌撥接濟官項銀內借銀修理

分年扣還倘有倒塌應行折蓋者照酌定銀數借給修理

依限扣還

一 直省道府以下官署應需修理從前並無借

項未完者准各官詳請借動開款銀兩興修

該督撫隨時報部所借銀數道府不得過壹

千伍百兩州縣同知通判不得過壹千兩首

領佐雜等官不得過貳百兩各於養廉內分

限扣還其分扣扣限俱於領銀一月後起限

直隸省道府州縣等官限五年同知通判限

六年其餘各省道府州縣限三年同知通判

限四年直隸及各省首領佐雜等官均限八

年一官未及扣清接任官遞扣歸款仍將領

銀起扣日期年終造冊報部備核逾限未完

者查察

一 直省學政衙署年久朽壞應行修葺者准咨

明督撫委查確估照道府修理衙署之例借



項興修不得過壹千伍百兩所借銀兩分作  
三年扣還一官未及扣清入於接任遞扣

一文武官員衙署坍塌正任及題署咨署各員  
准其照例借銀修理如係暫行委署人員不  
准借給如正任人員或已詳請續經差委離  
任尚未領銀興修者所借銀兩存俟正任回  
署及接任人員到署之日再行飭領修理不  
得以正任業經出詳遂令暫署之員領辦

一文職佐雜官添設衙署准在閒款項下借銀  
叁百兩於養廉銀內分作貳年扣還歸款

一衛守備衙署如遇坍塌准照州縣之例一體  
借項修理分限扣還歸款

一直省綠營武職副將以下官署坍塌應行修  
理者該督撫先行造具估冊送部准於空缺  
扣半養廉銀內動支副將參將不得過捌百  
兩遊擊不得過陸百兩都司不得過貳百兩  
守備不得過壹百陸拾兩千總不得過壹百  
兩把總不得過捌拾兩仍於工竣造報工部







一陝甘二省武職衙署遇有坍塌所需修費銀兩陝西省於八旗并巡撫衙門筆帖式原估支剩俸餉內動用甘肅省准支留半養廉如有不敷於朋合銀內動支工竣造報工部核銷

一河南懷豫二河協備添設衙署不得過叁百兩於鹽當規禮工竣造報工部核銷

一四川新疆武職等官添設衙署係創始建造所需工料銀兩准照綠營武職修理衙署之例在於司庫扣存留半養廉銀內各按應支數目開銷若例支銀兩實係不敷工料准其核明不敷之數借支仍照文職佐雜等官借廉修署之例分作八年在於該員應得養廉銀內扣還如一官未及扣清入於接任官名下遞扣清款



修理兵房事例

一京中各營及各省駐防如該營原有生息銀兩可以動用者所居房屋欵傾准其各自動項修葺若並無存公銀兩之營查明實在年久坍塌不堪棲止者方准奏請借項興修仍在該兵丁餉銀內扣還不得擅請支銷官項以歸核實

一山西省綏遠城右衛二處駐防兵丁房間坍塌准於山西省耗羨銀內每名各借一年餉



銀及時修葺在於各該兵丁應得餉銀內分作八年扣還歸款仍將應修房間工料造報工部核銷

一浙江杭州乍浦二處駐防滿營堆撥官房馬圈等處遇有坍塌在於牧地餘剩佃租充公項下動支按年彙報取結送部核銷

一廣州駐防兵房實係年久朽壞二十年及不堪棲止應行修理者該將軍等委員確查分別緩急奏明借款興修每房一間准借銀捌兩俱在該兵丁應得餉銀內限八年扣清歸

款  
一荆州駐防兵丁如遇房屋坍塌該將軍據實具奏前鋒領催馬甲各借銀肆拾兩礮手匠役養育兵步甲各借銀貳拾兩所借銀兩在於各該兵等錢糧內分作八年扣還如有陸遷事故在於挑補之人名下接續坐扣歸款

一甯夏駐防兵丁遇有住房坍塌准先借一年餉銀修理在於應得錢糧內分作八年扣還



如有陞遷事故在於挑補之人名下接續坐扣歸款

一京州莊浪駐防兵丁遇有房屋坍塌每名准借銀捌兩以資修葺

按各該駐防兵丁名數核計每年每百名准借

三十名所需銀兩於馬價銀內動支仍在各該

兵應得餉銀內分作兩年坐扣歸款報部查核

一烏嚕木齊滿營兵房如年久坍塌每間給修費銀捌兩於官舖利銀內支給

如有不敷准借動庫儲馬

價銀兩仍於官舖利銀內歸補



駐防賞給墾地

一 熱河駐防賞給地肆拾頃每佐領給地貳頃  
 直隸山海關等八處駐防兵丁遵化州存  
 退餘絕地拾伍畝順義縣存退餘絕地捌畝  
 盧龍縣置買地拾伍畝遷安縣置買地伍拾  
 畝三河縣置買地拾伍畝臨榆縣置買地壹  
 百貳拾畝玉田縣置買地拾伍畝滄州置買  
 地壹頃柒畝肆分貳釐 張家口駐防兵丁  
 置買地捌拾畝移駐張家口察哈爾右衛駐



防兵丁撥給入官地壹頃伍拾畝獨石口駐

防兵丁置買地叁拾叁畝叁分 山東省青

州駐防兵丁置買大地壹百陸拾畝德州駐

防兵丁置買小地肆拾畝 河南省駐防兵

丁置買地叁拾玖畝柒分 山西省太原城

駐防兵丁置買地肆拾伍畝綏遠城駐防兵

丁撥給土默忒地貳拾壹頃玖拾畝右衛撥

給官租地貳百零捌畝 江南省京口駐防

置買民山地貳頃柒畝 浙江省杭州駐防

兵丁撥給民荒地壹百捌拾玖畝貳分叁釐

零乍浦駐防兵丁置買地伍拾畝叁分貳釐

零 福建省福州駐防兵丁候官縣置買民

山地一段肆拾伍畝又五段玖拾伍畝零官

捐地一段叁拾壹畝閩縣官捐地二段柒畝

置買民地十段叁拾捌畝零 湖北省荊州

駐防兵丁置買地壹百陸拾畝 甘肅省涼

州駐防兵丁置買地貳頃貳拾伍畝壹分壹

釐甯夏駐防兵丁撥給地玖頃陸拾畝 四

同治十三年校刊

戶部則例卷之六

十一



川省成都駐防兵丁撥給馬厰崗坡拾捌頃  
石沙地貳頃作為兵丁埋葬墳塋

微員賞給路費

一直省縣丞以下佐雜官暨五百里以外教職  
官凡遇休致告病丁憂病故因公參革等事  
無力回籍者官給路費不論家口多寡每千  
里給銀壹拾兩每百里給銀壹兩官員父母  
及本身係在任病故者不論道路遠近各加  
扶襯銀捌兩均於存公項下報銷若參革人  
員係犯侵貪浮躁不謹等款及因推諉誤公  
不盡職守擅受民詞濫差滋擾疎脫要犯交



結紳衿等情參革者不給回籍路費

一直省微員回籍因無力請領路費者該州縣查明具結該管府州加具印結統限一月通詳院司將程途里數經過地方於文內逐一聲明如係經過省城者其路費由司核發不經過省城者該州縣於奉到批詳後如數墊給另請還款倘微員力能回籍而該府直隸州濫給率轉致有冒領者將銀兩著落賠還並將原給之州縣官參處

一直省無力回籍微員於請領路費以後限半  
月內起程責成該管府州查實結報若任聽  
逗遛將該府州議處

一各省八品以下文員無論實缺委署凡在任  
所差所病故距原籍二千里以外者俱准給  
與夫馬勘合毋庸再給路費在二千里以內  
者仍照舊給予路費不給勘合

一廣東省瓊州府屬之崖州感恩昌化陵水四  
州縣正雜官在任染瘴身故者按站官給回



籍路費以日行五十里計算州縣官樞櫬一具水程日給銀肆錢陸程日給銀捌錢佐雜官樞櫬一具水程日給銀叁錢陸程日給銀伍分陸程日給銀叁錢故員家口每大口水程日給銀壹錢陸程日給銀壹錢伍分每小口水程日給銀伍分陸程日給銀柒分伍釐如以故員家口核計路費每千里領銀不及拾兩者仍照內地微員回籍之例不論家口多寡統按每千里給銀壹拾兩每百里給銀壹兩

一廣西省太平慶遠思恩泗城鎮安五府官員在任染瘴身故者其樞櫬家屬路費核計程站按數給發知府每站給銀叁兩陸錢丞倅州縣州同州判每站給銀貳兩肆錢佐雜教職官病故並休致告病丁憂因公革職者俱照內地微員例支給路費州同州判休致告病丁憂因公革職者亦照內地微員例支給



路費

限釋以同國回

故對嫂餘送朕御海故餘送

五升榮章良姑香其琳聯家溫溫費蘇特里

一親西省太平靈靈恩斷如難矣正保官員

壹兩

邊疆各項賞卹

邊疆各項賞卹

一各省安插川滇等省遷發土司每名給購屋

銀叁兩並各賞謀生銀伍兩在於公項銀內

動給年終造冊報銷

一科布多南北台站兵丁每年動支銀伍拾兩

核計差務多寡折羊分賞

節省銀  
內動支

一察哈爾馬牛羊隻如每年孳生較多出該大

臣奏明分等賞給官員兵丁閒散孀婦作為



產業

乾隆五十九年欽奉

恩旨每年

於房地租銀內動給銀兩置買羊隻作為察哈爾產業嘉慶四年經塔爾巴哈台大臣奏准孳生馬牛羊隻積至壹萬捌千壹百餘隻請賞給官兵人等作為產業每年動支房租置買羊隻之處永行停止其原買羊捌千捌百叁隻仍照例每拾隻取孳生叁隻源源接濟

一察哈爾射箭人獎賞每年於房租銀內動支銀伍拾柒兩陸錢按年報銷

一衛藏辦公項下按年賞給達賴喇嘛銀壹千兩俾資用度毋庸許噶布倫及達賴喇嘛之左右借端浮支駐藏大臣隨時查察

一雲南開化沿邊留防兵丁如有染患瘴病者

給藥餌銀伍錢病故給收殮銀壹兩卹賞銀

伍兩在於司庫鹽務贏餘項下動支三年彙

報一次

一和闐三等阿奇木伯克患病告休如曾經出師効力者准於三等伯克每年應得養廉內

賞給三分之一以養餘年



免追未完銀款

一八旗隨圍出差官員兵丁獲罪黜革應交長支路費幫銀如查無家產又無代扣之人令該旗取具切實印結報部准其寬免

一隨圍及察哈爾放馬官兵有在途病故者其長支路費免其追繳

一派往軍營及西北兩路換班官兵如在中途病故應賠馬價銀兩免其追繳年終彙題請

豁



一卡倫出差年滿官員回京中途病故者未完差所兌支俸餉查明並無產業亦無代扣之人由該旗取具印結咨部免其追繳年終彙

題請豁

一八旗逃走兵丁未完庫銀著落子孫賠還若查無家產又無子孫親兄弟代扣者該旗具結報部准其寬免入於彙奏案內辦理仍俟獲日照例治罪

一八旗兵丁因家貧不能當差呈准告退者未完庫銀准其暫行註册俟復行挑差之日入檔補扣

一住京新滿洲兵丁告假回吉林等原處如有因病不能來京咨請開缺者未完庫銀移咨該將軍等註册俟病痊挑差日於應領餉銀內按例坐扣

應扣銀數詳見本門專條

駐防披甲遇有逃走長支餉銀餉米查明實無子嗣產業暫行記檔或該兵自行投回挑差日再行坐扣如係拏獲者仍照例治罪



一八旗逃走及獲罪革退兵丁未完庫銀有兄弟子姪親族係食餉兵丁仍照定例坐扣外如止食孤寡錢糧以及支食週年半俸半餉者一切應扣款項由該叅佐領查明具結報部准其寬免

二革職留任之驍騎校等官原借未完庫銀准其暫行註册俟開復食餉之日入册補扣如未經開復以前遇有別項事故專咨報部辦理

一在學肄業官學生或因考中暨挑補各項差使或因貧告退以及身故等事開缺在過檔以後者現月入檔膏火准其支食若因事革退雖在過檔以後仍照舊追繳



嚴禁私徵蠲緩錢糧

一道光三年八月奉

上諭御史陶廷杰奏請嚴禁私徵蠲緩錢糧以卹災黎  
一摺所奏是直省偶遇偏災經朕明降恩旨准其蠲  
緩者地方官於接奉時卽當刊發謄黃張貼曉諭如  
任意延擱以致胥吏等乘間私徵實屬大干法紀嗣  
後辦理蠲緩之案著各該督撫責成該道府就近稽  
查如有已奉恩旨未貼謄黃者立卽嚴叅懲辦儻該  
管道府扶同徇隱著一併嚴行叅處毋得稍示姑容







賞卹八旗孀婦

賞卹駐防節婦

欽定戶部則例卷八十七

蠲卹五

優卹宗室

一閒散宗室年及十五歲月給養贍銀貳兩不給

米至二十歲月給養贍銀叁兩四季支米二

三季每季支米伍石伍斗有殘疾者月給養

贍銀貳兩四季支米每季支米伍石叁斗

一閒散宗室係現任親王以下未入八分公以

上子嗣不准支給錢糧如係薨逝退爵王公



等子嗣及宗室將軍以下子嗣仍准支給

一宗室物故准一子不待年歲即照二十歲以上之例支給養贍銀米

一宗室王公薨逝無子襲封者親王郡王福晉歲支銀壹千伍百兩米柒百伍拾石貝勒貝子夫人歲支銀伍百兩米貳百伍拾石公將軍夫人按伊夫俸銀俸米之數減半支給咸終其身

一宗室鎮國將軍以下官員物故其妻按伊夫品級支給週年半分俸祿親王以下未入八分公以上薨逝其福晉夫人不給週年半分俸一閒散宗室年至二十歲添給養贍錢糧統以正月分起支由旗咨部趕領

一閒散宗室年未及歲支給養贍及不待年歲錢糧以宗人府核准出咨到部之日為準按

餉檔過部日期

詳見兵餉門支扣定期條

分別支給

一宗室孀婦無子可繼者每月給養贍銀貳兩每季給米伍石叁斗覺羅孀婦無子可繼者



戶部員例卷之二十七  
每月給養贍銀壹兩伍錢每歲給稔米壹石  
陸斗如過繼有子或孀婦身故該旗報部裁  
汰

一宗室無伯叔兄弟之孤女每月給養贍銀壹  
兩伍錢每季給米叁石玖斗柒升伍合覺羅  
無伯叔兄弟之孤女每月給養贍銀壹兩每  
歲給稔米壹石陸斗俟出嫁後報部裁汰

一閒散宗室緣事發遣作為紅帶子其妻女實  
無倚賴者該旗取具叅佐領印結送部准照  
八旗發遣兵丁之妻女給予養贍錢糧

一移駐

盛京月食叁兩餉銀之宗室每年於

盛京戶部內倉額徵粟米項下每戶給倉石米貳

拾貳石按春秋兩季酌領

一宗室覺羅之節婦如無子嗣准其繼立一子  
不待年歲照例支給銀米

一宗室覺羅子弟隨任外省者停其月支銀米  
俟回京後另行起支其



陵寢衙門

盛京地方食單俸文員之子弟照在京之例准其

支領錢糧

一獲罪發遣宗室覺羅無子嗣者其妻女給與

養贍宗室妻每月給銀貳兩女給銀壹兩伍

錢覺羅妻每月給銀壹兩伍錢女給銀壹兩

遇

赦回京卽行裁汰

一閒散覺羅年及二十歲出旗查對宗人府紅

檔月給養贍錢糧銀貳兩以正月分起支宗

人府限十二月初十日以前咨覆該旗入檔

支領其米按四季關支

每季支米伍石叁斗

一覺羅病故其妻寡婦無現食俸餉之子可依

者准一子不待年歲卽照十八歲以上之例

支給養贍銀米寡婦病故其子尙未及歲該

旗查明裁汰



優卹世職

一八旗應襲世職官篤疾殘廢因別無襲替之人仍准襲職不准食俸者給與甲兵錢糧養贍俟有子移襲之日停其支給

世職官物故襲次未完因無人承襲將官註銷如其母妻尙在照原職給與半俸銀米養贍終身若承襲世職之人母妻俱故而原立世職之人母妻尙在亦准支給終身半俸繼母生母並同



一 世職官物故襲次已完者如其母妻尙在照原職給與週年半俸銀米如原立世職之人母妻尙在准照原職給與終身半俸繼母生母並同

一 現任世職官員及因病停俸世職官員物故其妻照伊夫原職支給週年半俸銀米其世職如係遠族承襲者仍准支給若係子孫及親弟兄承襲者寡婦週年半俸卽行裁扣

一 世職兼職任官物故所兼職任大於世職者其妻按伊夫職任支給週年半俸如子孫及親弟兄承襲世職卽將寡婦半俸停其支給



優卹貧生

一直省在學生員有寒苦不能自贍者責成該  
教官確查造冊冊內分晰極貧次貧於學政  
按臨日投遞該學政據冊覈實動支學租銀  
兩於三日內逐名面賑毋令遺濫教官開報  
不實查出叅處

一廣東省學田係紳士捐置由各州縣歲收租  
銀解爲賑給貧生膏火之資儻各州縣拖欠  
未完仍由該撫勒令完解按名分賑不得援



恩詔豁免學租條款率行請豁

優卹老人

一者民年至九十以上地方官不時存問其或  
鰥寡無子及子孫貧不能養贍者督撫以至  
州縣公同設法卹養或奏

聞動用錢糧令沾實惠若地方官藉端侵扣查叅嚴  
究



優卹節孝

一 直省地方孝子節婦有實係貧苦不能自存者地方官核實取具隣族甘結加具印結詳報該上司於存公項下按月酌給口糧銀兩按年報部核銷冒濫請給者將具結之隣族及胥吏嚴加治罪地方官處分



優卹老兵

一入旗兵丁在軍前因殘疾駁回該管大臣查驗實係打仗殺賊受傷立功者列爲頭等給與原食錢糧係打仗殺賊立功者列爲二等給與馬甲錢糧以資養贍若尋常行走者列爲三等交與該旗辦理

一在京入旗兵丁患病殘廢及六十歲以上年老告退者如曾在軍前打仗立有軍功無論有無房產有無現食錢糧子孫俱月給銀壹



兩米壹斛按四季支給若曾在軍前行走並未打

仗立功者查明實無房產又無現食錢糧子

孫可依者月給銀壹兩不給米咸終其身

一各處駐防兵丁有曾經出征打仗立有軍功

因年老有疾不能當差具呈告退者准其照

在京入旗兵丁養贍之例每名每月給銀壹

兩以養終身仍將支過銀兩造入各該處奏

銷冊內報部核銷

一曾經出征打仗兵丁年老及殘廢告退每月

准支養贍銀兩病故後如有長支概免追繳

東陵

西陵馬甲人等如有殘廢查明並無子嗣有兄弟並未

同居及雖有子嗣尚未挑差食餉實係寒苦

無依者由該管官出具保結報部給與養贍

錢糧一分東陵馬甲殘廢人等每月給銀壹兩隨餉銀撥給一年二季

每季給隨餉米拾斛貳斗由永濟倉支領西陵馬甲殘廢人等每月給銀壹兩伍

錢由廣恩庫支領不支給米按年造冊報銷俟伊子挑差



食餉之日即行住支

一甯古塔

盛京等處兵丁患病殘廢及六十歲以上年老告

退者如曾在軍前打仗立功月給銀壹兩

米以養餘年游牧地方兵丁不准撥給

一廣州駐防兵丁年老退休賞給銀拾捌兩以

為養贍之用在於扣存馬價銀兩內動支即

於挑補新兵應領餉項內分作四年扣還

者不准賞給按年造報查核

一烏嚙木齊巴里坤二處殘疾退糧之破手馬

甲人等於官當舖生息銀內每大口月給銀

陸錢小口月給銀叁錢其古城吐魯番二處

殘疾人等於養育兵錢糧內通融支給養贍



賞卹八旗節婦

一入旗官兵物故其妻矢志守節者由該旗查明具保不論年歲有無子嗣照伊夫原食俸餉之半支給週年伊夫係畏罪自盡者不准支給若因病迷惑自盡並無別情取具叅佐領等無捏印結送部仍准支給

一入旗會得軍功兵丁續因老病告退月給銀壹兩米壹斛者物故後其妻照伊夫所食銀米支給週年其祇給壹兩錢糧者物故後其



妻照伊夫所食銀數支給週年不給米

一入旗官兵陣亡其妻無子守節者照伊夫原食俸餉之半支給終身有子幼小未經挑差或有子祇食養育兵錢糧雖有親翁伯叔現食俸餉仍准支給寡婦俸餉俟伊子長成當差所食銀米足抵半俸半餉卽行停支

一入旗降級留任官物故其妻照伊夫所食降俸之半支給週年革職留任者不給

一入旗原品休致賞給半俸半餉官員物故其妻照伊夫原食全俸全餉之半支給週年

一入旗官兵陣亡如無妻而父母尙在並無本身俸餉又無別子孫俸餉依賴或有子孫祇食養育兵錢糧者俱照陣亡人原食俸餉之半支給終身

一入旗陣亡官兵之父母妻室始因別有俸餉依賴未給半分俸餉如後去官退甲仍無依賴者照陣亡人原食俸餉之半支給終身

一出征身故官兵照陣亡例減半議卹者其父



母妻室不准支給終身半分俸餉

一入旗官兵聘定未婚女子因夫物故矢志守節情願過門侍奉翁姑者該旗查明具保接

伊夫原食俸餉之半照例支給週年

一入旗兵丁被毆身死經刑部將行兇之人治罪擬抵者其妻孀婦週年半餉准照病故兵

丁之例一體支給

一入旗陣亡兵丁之妻無子守節者雖屬再醮亦准照伊夫原食錢糧之半支給終身

一文職兼任人員病故如文職任內緣事革職留任照例止扣文職

恩俸仍支食武職正俸之員其妻亦准照伊夫原食武職正俸銀米之半給予週年

一入旗在軍營打仗陣亡人員前任內有革職留任者伊妻准其支食週年半俸

一陵寢官員兵丁之孀婦查明實無子嗣或有子尚未挑

差實係窮苦無依者由該管官出具印結報

同治十三年校刊

戶部則例卷八十七

獨郵

五



部准其支給養贍錢糧東陵每名月給銀壹兩

一年二季每季隨銀米拾壹斛西陵每名月給銀壹兩伍錢在於廣恩庫支給不

支米石按年造冊報銷俟伊子挑差之日即行

裁汰

一旗員曾經出兵打仗因老病休致兵部題准

賞給全俸如該員於具題之後奉

旨以前病故者其妻按照伊夫准食全俸之半支給

週年

一八旗孀婦內有因伊子在逃實無倚賴給與

養贍錢糧者如伊子自行投回仍俟挑差食

餉之日再行裁汰孀婦錢糧

一八旗孀婦支食養贍錢糧俟伊子或繼子挑

差食餉之日再行裁汰

一食孤寡餉銀孀婦如由母家接出其長支米

折銀兩實無子嗣亦無族人委係無可著追

者由旗查明取具叅佐領等印結送部所欠

銀兩准其豁免

一世職官員物故其子雖經承襲世職因殘疾



不能當差止給馬甲錢糧者該孀婦週年半俸銀米仍准支領

一各直省滿營按月支領孀婦養贍遇有病故長支銀兩概免追繳

一八旗官兵陣亡遺下眷屬准其於該陣亡官兵停止俸餉之後接續支給一半銀米仍造入報銷冊內報部查覈

賞卹八旗孀婦

一八旗及各省駐防孀婦有子孫出征陣亡又年逾八十者雖別有子孫現食錢糧由該管官查明具保實係窮苦准添給養贍錢糧一分支給終身其非子孫死事而又年逾八十者別有子孫現食錢糧仍不得濫給



賞卹駐防節婦

一駐防官兵身故其妻矢志守節者照在京八旗例不論年歲有無子嗣該管官具保支給週年半俸半餉若軍功告退仍食半俸半餉之官兵身故其妻守節者亦照在京八旗之例按伊夫原食俸餉整數半支一週年至身故世職官之妻有子既經襲職領俸者停其所支半俸

一直省駐防孀婦食完週年俸餉銀米後查明



並無子嗣及雖有子嗣尙未挑補養育兵缺  
實係生計維艱者由該管官具結報部給與  
養贍錢糧一分有子者俟其子挑補養育兵  
缺卽行裁汰

一直省駐防告休後病故官員之孀婦實係並  
無子嗣窮苦無依由該管官查明具結報部  
准照在任病故官員孀婦之例支食養贍錢  
糧一分

一駐防八旗陣亡官之妻守節者准照伊夫原  
俸支給一半如子幼年未及歲雖已承襲職  
官仍准支食寡婦半俸其子應得半俸之半  
暫行停止俟其子年已及歲應食半俸時再  
行裁汰寡婦半俸

一由京補放駐防官身故其妻在該處未支過  
年俸銀米卽已回京者到京後准其補支  
其米色數目卽照京員例核給

陵寢內務府未經當差之幼丁病故其妻守節查無產



業子幼未能當差者准其照在京內務府隸  
寡孤獨之例每月給銀壹兩每季給米貳石  
陸斗以資養贍俟伊子成立當差之日停其  
支給

陵寢茶飯上人閒散拜唐阿等遇有病故者伊妻照亡  
夫所食錢糧給與半分一週年而止伊子現  
在當差者亦同此例如雖有子嗣尚在年幼  
未曾當差者給與養寡錢糧每月食銀壹兩

隨銀米一年兩季貳拾貳斛至守節孀婦並  
無子嗣者亦准給養寡錢糧米石造入奏銷  
冊內報部

一直省駐防兵丁逃走所遺眷口實無倚賴生  
計維難准照孀婦有子未經挑差之例由該  
駐防各官查明結報給與養贍錢糧一分俟  
該兵孥獲或自行投回挑差之日卽行裁汰  
一山海關駐防官員物故伊妻如無子嗣及有  
子尙未挑差者在於該處官房內撥給住房



三間俟伊子挑差之日即行撤出充公並照

伊夫應得養贍家口地畝數目

山海關駐防官員俸米以

地抵給另詳慶祿門

在於丈出餘地內減半撥給俟該

孀婦物故後撤回報部查核

一由京發遣伊犁食半餉另戶馬甲步甲身故

伊妻照伊夫原食半餉支給週年以資養贍

一駐防陣亡兵丁眷屬准照在京八旗兵丁陣

亡之例按該兵原食餉銀之半支給終身有

子者俟及歲挑差即行報部裁汰

一駐防閑散獲罪發遣並未銷除旗檔釋回後

在旗病故伊妻矢志守節實係殘廢無翁姑

子媳親孫現食錢糧又無產業者由該管官

查明具結報部准其援照殘廢例支給養贍

錢糧年終造冊報銷俟該婦物故時即行裁

汰







